

JAIME MAYORREK ETA MIGUEL ANGUEL RODRIGUEZEK GOBERNUAK ETAKO KIDEEKIN EZ DUELA HITZ EGIN ESANEZ ERANTZUN DUTE

PPko Gobernuak ETArekin harremanak izan dituela dio Felipe Gonzalezek

Felipe Gonzalezek Aznarren Gobernuari gezurretan aritzea leporatu dio, «ETArekin harremanak izan baititu». Gonzalezek hori baieztatze duela urtebete Frantzian dagoen preso batekin bildu zirela azaldu zuen. PPk gezurtatu egin du gertaera hori, eta harremanik ez dagoela berretsi du.

Agentziak / Brusela-Madril

ETA-K Miguel Angel Blanco hil zuenetik urtebete igaro dela gogoratuz, hauxe esan zuen atzo Felipe Gonzalez presidente ohiak: «Urteurren triste honetan esan nahi dut Miguel Angel Rodriguez jauna gezurretan ari dela, eta, gainera, gezur horiekin herritarrek larriki engainatuz ari dela, zeren jakin behar dutenak, ETA eta bere ingurua, ez ditu engainatzen». Gonzalezen aburuz, «gezurrak oso ibilbide motza du, herritarrek gauza bat sines baitezakete, baina besteek bada-kite zer gertatzen ari den, zuzenean dute kontaktuen berri».

Baieztapena indartzeko datu bat eman zuen Gonzalezek. «Zuek» (PPko Gobernuari erreferentzia eginez) «hitz egin duzue, eta norbaitek duela urtebete ETako buru bat bisitatu zuen Frantziako espetxe batean. Beraz, kontatu behar didazue norekin egin duzuen, noren kontura egin zenuten eta zein helburerekin egin zenuten. Galdera erraz hauen erantzuna espero dut. Orain oposizioan nago, eta galde-tu egiten dut. Erantzunak nahi ditut, herritarrek ardura dutenen erantzunak merezi baitituzte».

PSOeko buruak PPk ETaren aurkako borrokan duen jarrera kritikatu zuen. Arlo horretan PSOerekin zuen adostasuna apurtzea leporatu dio Gonzalezek PPri. «Inoiz dantzatu ez dugun dantza bat dantzatzeko gonbita egiten digute, baina ez digute lekuri uzten, dugun Estatu



Felipe Gonzalez Espainiako presidente izandakoa, artxiboko argazki batean.

XOUSE SIMAL

arduraren zentzua gehiegikeriaz erabiltzen baitute, entzuket gaia ezandarazi zutenean edo horrelako kasuetan egin bezala», esan zuen Gonzalezek.

Gonzalezek PP eta EAJ «guztian terrorismoko gaian izan ezik» ados egotea ere kritikatu zuen, eta horretan akordioak ez badago PPk EAJrekin duen akordioa «Espainiaren gobernagarritasunerako» ez dela funtsezkoa adierazi zuen. PPk gobernagarritasunaz duen ideia aritmetika parlamentarioa baino

ez dela esan zuen Gonzalezek. Aitzitik, PSOE Gobernuan egon zenean adostasuna oso bestelakoa zela adierazi zuen, eta oinarrian ETaren aurkako borroka zegoela adierazi zuen.

Espainiako presidente ohiak adierazi zuen begi bistakoa dela bere Gobernuak ETArekin harremanak izan zituela, eta damu azaldu zen boterea aldatzerakoan PPri horren berri emateagatik, «boterean oposizioan baino arduratsuagoak izango zirela pentsatzen baikenuen»,

esan zuen Felipe Gonzalez presidente ohiak.

Gobernuak adierazi du Gonzalezek dioena ez dela egia • Miguel Angel Rodriguez, Aznarren Gobernuako bozeramaileak, ukatu egin du PPk ETArekin harremanak izan dituela. «Gobernuak ez du batasuna apurtzeko ezer egin nahi, eta, beraz, ez diot Gonzalezi gogor erantzungo. Baina, Gonzalezek dioena ez da zuzena, ez esateko moduan eta ezta esaten duenean ere, Gobernuak ez

baitu terroristekin hitz egin eta ez du hitz egingo. Zertaz hitz egin behar du terroristekin? Zerbait zor al diegu?», esan zuen.

Hala ere, onartu zuen Miguel Angel Blanco bahitua egon zenean «maila indibidualean eginiko operazio humanitarioa» izan zela. Rodriguezek esan zuenez, egia da abokatu bat (emakumezkoa) Frantzian dagoen euskal preso batengana joan zela Blancoren bizitza salbatzeko asmoz, «baina ez zuen Gobernuaren ize-nean egin», gaineratu zuen. Aldi berean, Gobernuak Blancoren bizitza salbatzeko «bere esku zegoen guztia» egin zuela adierazi zuen.

Jaime Mayor Oreja Barne ministroak ere berria gezurtatu egin zuen. «Ez da egia elkarrizketak izan ditugula; guk negoziatu, trukatu edo tenperatura hartzeko saioak egin izan bagenitu PPren familia ez litzateke sofritzen ari dena sofritzen ariko. Elkarrizketarik gertatu izan balitz, inoiz ez litzukete halako krudeltasunez hilko PPko zinegotziak», esan zuen Jaime Mayor Orejak.

Ricardo Marti Fluxa ere, Segurtasunerako Estatu idazkaria, bide beretik mintzatu zen, «Gobernua ez da ETArekin inolako harremanik izaten ari, eta ez du inoiz izango» esanez.

Santiago Lopez Valdivielso Guardia Zibileko zuzendariak ere gai bera izan zuen hizpide, eta ukatu egin zuen Gonzalezek esandakoa. «Nik dakidanez, eta asko dakit, ez da harremanik izan», esan zuen. X

Ibarretxe, Atutxa, Mayor eta Raxoi izango dira, besteak beste, Ermuko manifestazioan

Ekitaldi ugari antolatu dira asteburuan Miguel Angel Blanco gogoratzeko

Agentziak / Bilbo

IGANDEAN beteko da urtebete ETAK Miguel Angel Blanco 48 orduz bahituta eduki ostean hil zuenetik. Hori dela eta, asteburuan hainbat ekitaldi antolatu dira Ermuan, eta manifestazio nagusi bat izango da igande eguerdian. Manifestazio horretan agintari ugariak parte hartuko dutela baieztatu dute. Hala, Eusko Jaurlaritzatik, besteak beste, Juan Jose Ibarretxe lehendakaria, Juan Jose Ibarretxe Barne sailburua, Inaxio Oliveri Hezuntza sailburua eta Rosa Diez Turismo sailburua izango dira. Espainiako Gobernuaren izenean, berriz, Jaime Mayor Oreja Barne ministroak eta Javier Are-

nas Lan ministroak baieztatu dute parte hartzea. Alderdi politikoetako buruak ere bertan izango dira, HBkoak izan ezik. EAJko Ricardo Ansotegi izango da manifestazioan, PPko Carlos Iturgaitz eta Carmelo Barrio, PSOeko Jose Maria Benegas eta Rodolfo Ares, EAKo Rafael Larreina, IUko Javier Madrazo eta UAKo Pablo Mosquera.

Manifestazioa baino lehen pleno berezia izango dute Ermuko Udaleko ordezkariak Cardenal Orbe Plazan, eta agiri bat onartuko dute. Plenoa 12:45etan hasiko da, eta amaitutakoan abiatuko da manifestazioa. Manifestazioa hilerrian bukatuko da, Blancoren hilobian egingo den lore eskaintzarekin.

Igande goizean bestelako ekitaldirik ere izango da. Hamaiketan Miguel Angel Blanco Fundazioak korrikaldia antolatu du. 12:00etan udaletxeko aretoan fundazioak sariak emango dizkie hainbat komunikabideri, Miguel Angel Blancoren hilketa gertatu zenean izan zuten jarreragatik.

Ekitaldi nagusiak igandean izango diren arren, gaur ere hainbat ekimen izango dira. Gaur arratsaldeko 19:00etan Miguel Angel Blancoren omenezko hileta elizkizuna izango da Santiago Apostol elizan. Gaueko 23:00etan, berriz, kontzentrazioa izango da Cardenal Orbe plazan. Asmoa bertaratzen diren guztiek kandelak piztea da, eta hala ego-tea ordubetez. X



Miguel Angel Blancoren omenez iaz egin segizioa.

XOUSE SIMAL